

黃堯圃先生年譜

黃堯圃先生像

七月二十一日海虞胡駿叔為堯翁寫鏡中影



堯翁六十三歲像原裝入魚元機  
詩思圖題詞冊中從先生後人  
寶夫借得即乞芑香孫琴安重  
標刊入年譜時光緒丁酉十一  
月元和後學江標謹記

黃斃圃先生年譜卷上

元和江標輯

乾隆二十八年癸未五月十一日先生生

士禮居題跋記卷五姚少監文集跋

先生行二

夢詩附卷詩引墨迹

名丕烈字紹武一字紹甫又字斃

圃又曰斃夫又曰斃翁又曰老斃更號復翁復初氏宋

廬一翁求古居士求古居主人讀未見書齋主人聽擬

軒主人秋清逸士甘止醒人見獨學人陶陶軒主復見

心翁學山海居主人

先生題鈔本蕭閒老人明秀集詩注云李中麓家詞山曲海余藏詞

曲甚夥名其藏弄之所曰學山海居

抱守老人長梧子知非子半恕道人

以上見先生跋語中

民山山民

見張蒔塘大滌山房詩集自注

員嶠山人

見陳氏求古精

舍金石岡序後印文

佞宋主人

見徐子晉前塵夢影錄上

皆先生自號也江蘇

蘇州府長洲縣籍

蘇州府志

先世居閩之莆田其十世祖秀

陸遷至江甯及曾祖琅始移居吳門再傳至君考維號

耐菴以忠信直諒訓其子弟君生有至性克承家範兄

承勳出爲伯任達先生後

石韞玉獨學廬四稿同治蘇州府志黃丕烈字紹

標按

武乾隆戊申舉人注銓部主事性孝友父柩在堂不戒於火將及寢丕烈據棺大勸誓以身殉火竟滅平生無聲色之好喜藏書購得宋刻百餘種學士顧純顏其室曰百宋一廬日夜校讐研索訂正嘗刻周禮鄭注國語國策焦氏易林等書一以宋元爲準又道光志丕烈既卒藏書歸長洲汪士鐘又獨學廬四稿云少讀書務爲精純發爲文章必以六經爲根柢嘗仿宋人春秋類對之法摘經語集爲駢四儷六之文以類相從哀然成編其勤學如此

二十九年甲申二歲

三十年乙酉三歲

三十一年丙戌四歲

三十二年丁亥五歲

三十三年戊子六歲

三十四年己丑七歲

三十五年庚寅八歲

三十六年辛卯九歲

三十七年壬辰十歲

三十八年癸巳十一歲

三十九年甲午十二歲

四十年乙未十三歲

四十一年丙申十四歲

四十二年丁酉十五歲

四十三年戊戌十六歲

四十四年己亥十七歲

四十五年庚子十八歲

四十六年辛丑十九歲

是年先生以十九名入長洲縣庠學使爲彭元瑞侍郎

長元和三縣青衿錄 又獨學廬四  
稿云年十九補學官弟子尋食館

四十七年壬寅二十歲

四十八年癸卯二十一歲

四十九年甲辰二十二歲

五十年乙巳二十三歲

五十一年丙午二十四歲

五十二年丁未二十五歲

五十三年戊申二十六歲

先生是年舉江南孝廉

蘇州府志

興季信大潘文勤師序士禮居

題跋記稱爲堯圃解元不知何據

標按是科解元

先生夢詩圖卷詩注云堯圃與余同戊申榜堯圃名列

第三座師胡豫堂先生以大魁期許乃禮

聞數上挑列一等加捐主政分部告歸

五十四年己酉二十七歲

九秋見天下郡國利病書彙本三十四冊於張秋塘處

士禮居藏書題跋記

凡余未見原

跋僅據此記采入者旁注一記字

冬借朱氏滋蘭堂藏沈寶硯校本楊子法言李注十卷

手錄之

原校本  
原跋

五十五年庚戌二十八歲



秋於文瑞樓書肆得臨陸敕先校明翻宋刻本國語六

冊記標按海虞詩苑小傳陸貽典字敕先號觀庵自

少篤嗜文典師東澗而友鈍吟又按敕先常熟人

小春下弦後二日借滋蘭堂惠松崖校本大戴禮記過

臨畢跋之長至日又取盧本覆校再跋記標按錢大

字定宇號松崖士奇次子初爲吳江學生員改歸元和

籍自幼篤志向學家多藏書日夜講誦雅愛典籍得一

善本傾囊弗惜或借讀手鈔校勘精

審於古書之真僞瞭然若辨黑白

臘月望前從同年蔣賓嶠得山東孔氏校刊本國語以

新借同郡滋蘭堂朱秋崖臨校惠松崖校本傳錄于上

又以前得陸校本參互之并題三跋記標按朱秋崖

與歲書處曰滋蘭堂國朝漢學師承記余古農先生

傳吳縣朱丈文游藏書之富甲於吳門延先生教讀館

于滋蘭堂中得

徧讀四部書

五十六年辛亥二十九歲

得叢書堂鈔本孟子注疏解經

原跋

春季校說文後以所藏臨陸敕先校本國語易五柳居

主人陶蘊輝唐六典

書記

標按南澗文集上卷琉璃廠

來始開而舊書頗多與文粹堂皆每年購書於蘇州載船而來五柳多廣川吳氏藏書肆中曉事者五柳之陶文粹之謝又按蘊輝名珠琳原籍烏程移家吳門孫淵如五松園文彙曾爲蘊輝父正祥作傳正祥字廷學讀書爲業與吳中名下士交接於書能知宋元佳本

三月下澣一日鐙下覆勘陸校本國語并跋

記

十一月二十八日跋新得宋竇王校鈔本吳都文粹屬

同年沈書山書之

記

標按蔣光煦東澗叢記王闈遠

蔚如名賓王起家市井性嗜奇書無力購奔則百方丐鈔惟以搜羅遺佚訪求放失爲事又按竇王太倉人

五十七年壬子三十歲

春仲假得錢磬室校刊吳地記吳郡圖經二書以吳瑄所刻古今逸史中吳地記校訖又從同年沈書山借得吳郡圖經續記以錢本臨校一過卽跋於沈書後

士禮居題

跋記續 凡未見原跋據此采入者書記續二字

秋以數十金得天下郡國利病書彙本跋記屬同年沈書山書之

記

莫秋得滋蘭堂惠校大戴禮記十三卷因跋庚戌年所臨校本後

記

九月四日重裝去年所得孟子注疏解經成跋記

原跋

十月先生以十卷本鈞礪文集假於錢竹汀先生錢有

跋見潛筆堂文集卷三十一

標按潛筆先生在吳時與先生往還頗密竹汀日記

鈔每云借黃澆圖某

書云云屢見者也

十一月得宋刻大戴記以惠校本歸顧抱冲

記 標按顧千里撫

本禮記鄭注考異序往者家從兄抱冲收善本經籍將次第刊行不及而沒兄名之達元和廩貢生沒於丁巳春年四十五藏書處名小讀齋惟

仲冬從朱秋崖借得惠松崖校經典釋文

記

仲冬跋校本經典釋文并過臨惠松崖手校本

記

五十八年癸丑三十一歲

秋從東城顧氏借殘宋本禮記鄭注

記

秋孟跋校本禮記鄭注

記

冬季得宋景祐本後漢書

蔣光煦東湖叢記卷五

十二月七日鈕匪石至先生家觀惠校後漢書補逸石

記日

五十九年甲寅三十二歲

是年丁外艱

校老學庵筆記原跋 標按當在六月前 因是月火先生父柩停家中見蘇州府志

又按殘宋本普濟方跋略云余自甲寅後連丁大故

天災人事困苦身心 又按影宋本永嘉四靈詩跋云

癸丑下第歸後 連丁內外艱

得崑山葉文莊六世孫九來舊藏舊鈔本隸釋

思適齋集卷八

代堯圖隸

釋刊誤序

夏得舊鈔本劉後村集

續記

四月朔跋新得鈔本古唐類範一百六十卷

續記

四月十日跋所得明刻本高季迪缶鳴集

記

四月十六日匪石至先生處觀王育說文五音韻譜說

匪石  
日記

四月二十五日匪石至先生家觀宋刻列女傳

日記

五月夏至日跋宋槧本中興館閣錄

記

五月十四日匪石至先生家觀願亭林原稿郡國利病

書鈔本北堂書鈔

竹垞藏

宋本唐文粹趙氏殘宋本杜詩

又在坐中見書賈攜來王復齋鐘鼎款識原本

匪石  
日記

秋先生同年蔣賓嶠以宋本孟東野集贈先生

記

七月十九日匪石至先生家觀影鈔天聖七年國語末

有義門跋二宋本小字左傳不增釋文刻極精每葉廿

八行行廿三字闕八卷又大字本亦不增釋文同有殘

闕毛影元鈔隸續宋本東家雜記略有蠹損又先生與

匪石云得鈔本讀書敏求記

匪石日記

廿二日又至先生家觀鈔本廣雅方言錢叔寶以宋本

校合刻李杜集北宋本鄭注儀禮又細觀大小字不全

宋本左傳注

匪石日記

九月初一日匪石至先生家觀鈔本元祕書監志明初

本姚光孝逃虛子集又至顧千里館中

按是時千里見館先生家

所校潛夫論越絕書

匪石日記

九月十二日匪石至先生家觀北宋本孟東野集又觀

鈔本虞道淵類篇

匪石日記按篇當彙字之譌

九月二十八日匪石至先生家觀周漪塘藏影宋鈔隸

釋舊鈔本大平寰宇記

匪石  
日記

十月十三日匪石至先生家觀元板大字黃氏日鈔淡

生堂鈔本隆平集舊刊本林和靖集

匪石  
日記

六十年乙卯三十三歲

春從同榜蔣賓喁得天順本柳文肅公集

續記

三月朔日跋新得王聞遠家舊鈔月屋漫橐

記

三月於馬鋪橋用雍嚴家借得騎龍巷顧氏鈔本靈臺

祕苑卽校于舊藏明鈔本上跋記

記

夏日先生以繼得影寫明道本國語屬顧澗賈校舊藏

校宋本上澗賈有記

記

閏月借顧澗賈傳錄何校本宋本新序臨寫一過跋之



四月望日又跋

記 標按養一齋文集顧淵菴墓志銘先生名廣圻字千里以字行號淵菴

百宋一塵賦注居士姓顧名廣圻元和縣學生喜校書皆有依據深有取於邢子才日思誤書更是一適語以之自號

閏月七日匪石至先生家見舊鈔方輿紀要南宋大字

本後漢書殘本

匪石日記

四月初一日訪顧抱冲家觀何校本新序

記

夏得元刻元統元年進士題名錄索錢竹汀先生跋之

記

標按錢跋在重五日

日夏至重加裝治并自跋

四月跋舊鈔汪水雲詩

記

四月十四日見太倉王氏所藏宋本新序十卷以賈巨

還之

記

四月廿八日匪石至先生家見劉平水新韻宋本新序

匪石

日記

端陽前二日於書友吳東亭處見新鈔本靈臺祕苑又

校明鈔本再跋

記

重五日日夏至錢竹汀爲先生跋元刻元統元年進士

題名錄

記

五月十四日匪石至先生家見宋本左傳集注附釋文

缺三本又觀宋本朱子易學啟蒙

匪石  
日記

六月四日跋新從郡中賜書樓蔣氏得宋刻本三謝詩

一卷每頁白金二錢

記

六月中澣日以千錢得舊鈔汪水雲詩跋之

記

六月二十日夜先生大夫人房中失火延及先生臥室

器用財賄皆空所藏書籍獨存越二日從書友胡益謙

得宋本北山小集四十卷跋之

記標按先生得是書繪續得書圖名是日燭

廬松竹詳見原跋

秋仲以千錢得鈔本回疆志

記續書經補遺跋

八月跋顧澗蕢以影明道本國語校舊藏校宋本

記

八月十日從書友鄭輔義得鈔本柳待制文集二十卷

附錄一卷跋之

記續

冬以八十餘金得四月中所見太倉王氏藏宋本新序

及北宋小字本列子

記

十一月下澣四日以青蚨八百得元鈔本書經補遺

記續

十一月二十五日匪石至先生家見周漪塘所藏影宋

鈔荀子又惠松崖手校荀子

匪石日記

十一月晦日至郡廟前五柳書居得鈔本鉅鹿東觀集  
借顧抱冲所藏宋本勘之

冬至後六日跋新從五柳書屋主人陶蘊輝處得滋蘭

堂校本楊子法言李注十卷跋之卽己酉冬借鈔之原

本也

原跋 標按原跋云題于養恬書屋之北窗

十二月中浣三日跋顧抱冲所藏宋刻鈔配本鉅鹿東

觀集

記

十二月廿五日匪石至先生家見宋本列子文中子每

半頁十四行殘本白香山文集施顧注蘇詩

匪石日記

十二月於華陽橋顧聽玉家以五十金得宋本吳郡圖

經續記醉司命日跋之

記書齋之北窗齋爲先生居當在

昭明巷老屋然校元本夢華錄跋有道光癸未仲春美  
鐸敬臨於讀未見書齋之西軒其時先生之居已二遷  
矣豈猶仍舊名耶前見潘瘦羊言昭明巷先生舊居尙  
存猶爲黃氏後人所居或美鏐當日未與先生同住縣  
橋巷亦未可定又宋本咸清臨安志跋庚申五月朔坐  
雨讀未見書齋書此按其時先生居尙在王洗馬巷豈  
三處皆有此齋名乎

秋校明鈔本西溪叢話初校復校兩跋之中秋前一日

三跋後三日四跋五跋二十六日六跋季冬月二十六

日七跋并題兩絕句

記

嘉慶元年丙辰二十四歲

元旦跋新得宋本列子

記

是年以校本博雅借高郵宋定之<sub>一</sub>以助王懷祖先生校

勘之用也

記 標按楊夫未定稟有題宋本唐文粹云 蕘翁例不借書未敢驟請姑以色求之蕘翁

慨然借我損其匣而勿之惜也又曰蕘翁以不肯借書 見嘗同好然余無一紙之送枉蒙破例有足感者題其 後而歸之標因先生跋語中借人書事極多而借與人 者推此一條茲故錄揚夫語可見先生不肯借書之據 標按阮文達王石隴先生墓志銘先生又長於校讐 凡經史子書晉唐宋以來古義之晦誤寫校之妄改皆

正之

以去歲所借顧澗蘋校老學庵筆記至正月初九日傳

錄畢跋記中澣一日又跋

原跋

春觀書於華陽橋顧聽玉家得舊鈔本大金集禮復向

周香巖借金鈔本勘之

記 標按周香巖名錫瓚又號 仲漣愛日精廬藏書志徐鉉文

集有周跋曰香巖居士周仲漣錫瓚記東湖叢記段懋 堂手校集韻跋云汲古閣鈔本從周君漪塘借鈔周君

學問淹雅又復能作荊州之借流布善本於天地間堯  
翁跋語中有云香嚴住馬鋪橋藏書處名水月亭識古  
書爲吾儕巨擘又殘宋本姚少監文集跋略云香嚴喜  
藏書家多祕本先余數十年而收藏者標又按香嚴  
名曰澠余舊藏香嚴書屋鈔本琴清閣書目有印曰周  
目澠澠塘氏據愛日精廬東湖叢記語是卽一人而二  
名字當日澠之名在  
前錫瓚之名在後也

正月上元日借顧抱冲宋刻本孫可之文集校毛刻本

畢跋宋本上

記續 按此本後歸藝芸主人丁亥顧澗賞跋之

正月元夕前一日跋新校宋本孫可之文集

記

得宋本歷代紀年十卷清明前三日跋

記 標按跋末云書於故居之

養恬軒

孟陬下澣以青蚨三星從學餘書林得明刻本文溫州

集二月八日跋之

續記

三月七日從周香巖手得明藍印銅活字本墨子跋記

五月遷居王洗馬巷新居書室名小千頃堂舊居在昭

明巷有養恬書屋記  
標按宋本歷代紀年跋末云嘉慶元年清明前三日書於故居之養

恬軒元旦跋宋本列子又曰  
養恬書屋常一屋而二名也

六月一日匪石至先生家見影宋鈔荀子有缺頁又宋

本淮南子金本本草匪石  
日記

六月中澣二日跋舊鈔本大金集禮記

六月望日重裝宋本新序成跋記

八月以重價得馮寶伯陸敕先手校文選六十卷願淵

蘋借周薌嚴藏殘宋尤槧本爲之補校張月霄藏書續  
志卷四 標按

海虞詩苑小傳馮處士武字寶伯號簡緣默  
庵鈍吟兩先生之姪也又爲毛潛在館甥



九月跋錢遵王藏鈔本漢天師世家

記 標按跋末記云書于王洗馬巷

新居

十月望前二日借周香巖所藏宋六卷本姚少監文集手校畢卽跋於校本上

記

冬借顧抱冲所藏殘宋本說苑校程榮本顧本缺八至十三復假周香巖所藏錢遵王手校宋本補完至二年

丁巳五月竣

記

冬至前四日跋宋本曾稽三賦

檀書 附錄

十一月十六日匪石至先生家觀宋十行本穀梁注疏影宋鈔謝宣城詩集舊鈔方言皆顧五癡家藏及其書目一冊內有鈔本急就篇商子京房易傳隸釋樊川集

匪石  
日記

十二月二十日顧澗蘋爲跋八月中所得馮陸校本文

選蓋補校初畢也

張月霄藏  
書志卷四

二年丁巳三十五歲

孟春見張秋塘所藏俞立庵手鈔元龔璠存悔齋詩一

冊仲春社日以六金得之跋於讀未見書齋

存悔齋詩  
原跋

張秋塘名□□爲張青夫後人見先生跋語中俞初名  
楨字貞木後以字行種學績文躬秉特操仕終都昌縣

承以清節顯見張

米庵此書原跋

二月望日先生以吳都文粹贈程易疇并跋

記續  
跋略云

按  
程易疇先生今之老宿也向爲嘉定廣文後辭官余去  
夏移居王洗馬巷思以舊宅學耕堂屬其新廬欲得先  
生書之今茲二月十日介錢竹汀先生爲先容偕澗蘋  
往謁拜末椽筆蒙下訪以自製墨二椀爲贈余因卽取

案頭吳都文  
粹四冊報之

夏見宋刊本溫國文正司馬公文集八十卷八月以六

十金得之跋後

記

五月二十三日跋校宋本說苑

記

五月二十四日跋明刊本南部新書

記

六月十一日跋新校舊鈔本耕學齋詩集

記

閏六月朔日以新得明刻林和靖先生詩集用舊藏顧

云美手鈔本校畢跋之

標按元和縣顧峇字云美潛心篆隸凡金石牌版及鼎彝刀尺

款識蟲魚科斗之書皆能誦之

後三日又從顧抱冲弟東京借得抱冲

舊藏殘宋本竭一日之力校畢再跋

標按先生校舊鈔本塵史跋云城南

小讀書堆余故友顧抱冲藏書齋名也抱冲歿在嘉慶  
之丁巳此云從抱冲弟東京借得當抱冲已去世矣

又屬顧澗蘋用舊紙摹殘宋本季秋月四日畢跋之重

陽後三日又跋宋刻殘本後

記

閏六月八日天晴曝書與西席顧澗蘋夏方米同觀乙

卯夏所得宋本北山小集再跋之

記 標按夏方米名文燾舉人張船山詩

中有題夏方米孝廉借石小照

劉履芬旅窗懷舊詩

自注吳縣夏方米文臺學正少以習歷算得狂疾陳曼生嘗借石寫照贈之最精輿地之學著述哀然

際

按北山集跋末誌云時在王洗馬巷新宅之士禮居

秋借貞節居袁氏鈔本隸釋補甲寅年所得葉本之闕

原跋 標按同治蘇州府

後借周香嚴家隆慶四年錢氏鈔本勘正

志袁廷禱更名廷壽字又體國學生六歲而孤生母韓

教之成立家有竹柏樓韓所居也家饒於貲遺書萬卷

蒲褐山房詩話又體六後之後嗜風雅好友朋又得

王剛齋小停雲館楓橋水西來繞其前中有漁隱小圃

有貞節堂竹柏樓紅蕙山房

江藩

國朝漢學師承記袁上舍叢書萬

卷皆宋槧元刻祕笈精鈔以及法  
書名畫金石牌版貯於五硯樓中

秋日跋新得明刻本潮溪先生捫蝨新話記

九月十一日匪石至先生家見舊鈔本虞道園翰林珠

玉匪石  
日記

秋九月中澣二日跋顧抱沖舊贈鈔本二百家名賢文

粹世次勞格讀書雜  
志卷十二

丙辰年得影宋鈔景定建康志殘本九冊假抱沖藏本  
補鈔至丁巳冬竣事以卷中闕葉屬澗蘋補寫并跋又

自跋之張月霄藏書  
志卷十六

冬以翻宋三禮歸他人中禮記係惠松崖校本記

冬日以宋本北山小集示錢竹汀錢有跋潛學堂文集  
卷三十一

十月初五日跋新得宋刻元人補鈔本湘山野錄記

十一月二日汪本隸釋刊誤成序記原序標按先生

子千里訂諸本之異同摘記千有餘條刊其誤遂刻以貽留心東漢文字者云云按原書有願淵蘋跋無年月

冬十一月十七日跋新得宋本渭南文集記續按全

值白銀四  
五十兩

十一月三日冬至前一夕跋十月十九日新得舊鈔抱

樸子內外篇記

廿一日刊誤後序成原序

嘉平月八日錢竹汀先生爲先生跋汪本隸釋刊誤原跋

季冬中澣一日跋曹彬侯鈔本琴川志記標按曹彬侯名炎常熟人

海虞詩苑有孫琪市肆著

書歌一首曹彬侯作也

殘臘得舊鈔本紹興十八年同年小錄記

三年戊午三十六歲

是年顧澗蘋爲先生校景祐本漢書於讀未見書齋記

得元刻幽蘭居士東京夢華錄記

顧南雅以毛斧季校本湘山野錄歸先生記

覆校周香嚴校影宋本輿地廣記記

正月三日段懋堂先生爲先生序汪本隸釋刊誤序原

春三月得金星輅家藏刻本雲谿友議缺中卷跋之續記

按金星輅是  
金心山之大父

三月六日跋舊鈔紹興同年小錄記

三月下澣七日惠氏校宋本禮記鄭注復歸先生再跋  
之記

初秋陶五柳主人以先生舊爲李作梅跋舊鈔本葛公

歸愚集求售先生得之再跋於後記標按宋本三謝

竹君曾得宋刻詭爲希有舉以告五柳居陶君詩跋曰近時大興朱

廷學曰此宣城本也余從廷學子繼輝得是言續

秋七月跋新得殘宋刻本豫章黃先生外集六卷續

秋八月二十八日跋影宋鈔本刻錄記續按別有跋  
不載年月玩文在

後此跋九月得宋本咸瀋臨安志九十三卷季冬月中澣八日

跋記

九月重陽前三日以白金三十兩有奇易得元刊本吳



禮部文集二十卷跋之記

十一月望日冬至借周香巖新得舊鈔本學言彙上冊

以乙卯年所得明刻半軒集校勘畢跋之記

十二月望日得宋刻高誘註戰國策是日先生偕鮑淥

飲袁綬階瞿木夫同集鈕匪石寓樓匪石作詩紀之索

同人題和瞿中溶古泉山館詩集標按瞿次匪石韻

注疏各一本因以士禮居中客原注蕙圃得儀禮宋板

得賞老嘉見應愁兩蚌離新刻原注毛斧季出售書

目有印宋鈔高注戰國策跋云其中如今日不兩明日

不兩與蚌字爲韻今本皆誤兩爲兩雙簽合舊收

原注蕙圃舊於京邸得牙籤一對上鐫宋板戰國策

清寒宜雅集竹素趁思游昭代名人尺牘小傳鮑廷

博字以文號淥飲欲歸人諸生家錢塘藏書甲浙右校

刊書籍亞於汲古閣刻知不足齋叢書二十八集嘉慶

十八年欽賜舉人年已八十六逾年卒瞿爲

淵學老人塔與先生時有往還十禮居叢書題首半出

渠筆也。瞿古泉山館詩及先生事甚多。前塵夢影錄卷上。瞿木夫中溶嘉定名士。錢竹汀宮詹女。夫官楚湘藩幕。適開湖南通志局。金石一門。木翁獨任排纂。工竣。抽印百餘部。攜歸。又著古官印攷及吳都文粹續編。國朝漢學師承記。非石名樹玉吳縣人家。洞庭山隱於買無書不讀。

十一月十五日。匪石日記曰。黃蕤圃來購得南宋木戰國策首闕二葉末闕一葉。黃君云。昔在京師得身籤一對。上刻宋本國策。今此書適出。竟符夙願。

十一月二十二日。匪石至先生家。觀宋人畫冊一。有徽宗御書。暉南田小幅畫冊一。皆經訓堂物。匪石日記

四年己未三十七歲

是年以白金七兩。見東坡樂府跋得元刻十二卷本稼軒長短句。因缺三葉。出舊藏毛鈔本。屬澗蘋檢卷中所有之字。

集補之所闕者僅十許字重裝手跋又屬澗蘋跋之又  
澗蘋於玉峯爲先生收得元刻丁鶴年集明人葉德榮  
手鈔法帖刊誤翻宋本圖書見聞志

記

正月下澣跋新得殘明本楊文懿公集

記

二月花朝後一日跋影宋梁谿高氏本高注戰國策

記

二月十九日得宋刊殘本孫真人千金方清明前五日

跋二十六日洞庭鈕匪石楓橋袁綬階訪先生出新得

宋本千金方相約以詩紀事用孫字禁押本事時同觀

者有西賓夏方米先生成五律四首於後

記泉山館集中

亦有和詩四首

二月廿六日匪石至士禮居見宋本千金方又史癡翁

書畫兩冊

匪石  
日記

暮春月下泮六日重裝明六卷補鈔十四卷始豐彙成  
錄得書時舊跋於第六卷刻本後又跋於第十四卷鈔

本後

原書  
跋

孟夏五日跋新從顧澗蘋得元本丁鶴年集後并和澗  
蘋題詩又索夏方米和之均書之副葉

記

四月二十二日訪周香巖香巖贈殘宋本圖書見聞志  
卽配先生元鈔本後

記

夏五月以野客叢書從顧澗蘋易傳錄陸勅先校本陸  
游南唐書中泮九日跋

記

五月孫淵如借先生校何本新序有題跋見新序上

記

五月跋元鈔宋刻合裝圖書見聞志

記

中夏月下澣一日跋新從郡中錢聞起處得元刻小字

本白虎通

記 標按原跋云  
雲起素識古書

秋孟中元得宋刻本聖宋文選越二日跋

記

中秋跋新得嘉靖本文心雕龍

記

冬十月既望跋新得宋刻本愧鄭錄

記

十月十九日錢竹汀爲先生跋鈔本不得已

記

十月二十七日撰明道本國語札記成序之

國語  
原序

十一月得明嘉靖本齊乘跋

記

十一月既望跋鈔本不得已

記 標按此跋未誌云書  
於聯吟西館館係先生所

居當在王

洗馬巷

十一月既望重裝丁巳年所得司馬公文集成再跋之

記 標按跋中有云  
裝潢之費倍於得價

十一月晦日跋新得王蓮涇藏明刻本宋紀受終考

原跋

十二月八日跋舊刻本唐漫文集

記

五年庚申三十八歲

得宋本新定續志十卷

記

春從吳兔牀借影宋鈔咸淳臨安志六十五六十六二

卷屬淵蘋傳錄

記 標按湖海詩傳小傳吳騫字查客  
海甯人諸生有拜經樓詩集

房詩話吳槎客所著國山碑攷極爲精核又喜搜羅  
宋元刻本如陶淵明謝元暉諸集皆取而重刻之

正月十日再跋嘉靖本齊乘

記

春中從昭文同年借明崇禎時所刻經緯集卽以丙辰

年所校孫可之文集校之再跋

記 標按昭文同年疑指張子和變先生永嘉

四靈詩跋昭文同年張子和藏書也又明秀集詩云琉璃廠裏兩書注蕘翁是素心蓋張一字蕘友

三月三日以錢十四緡得金本中州集跋之

記

屬同邑李福影書明道本國語刊成三月十二日竹汀

先生序之三月段茂堂先生又序之

刻國語原序

三月晦先生招汪澣雲賞牡丹分韻賦詩澣雲得以字

澣雲詩鈔卷三

夏爲錢竹汀訂補元史藝文志

記

閏四月芒種後三日輯所見古書錄

記

閏四月芒種後三日跋元刻幽蘭居士東京夢華錄

記

芒種後三日雨窗跋新定續志

記

閏四月望以六金得鈔本鐵崖先生詩集跋同日見金  
刻中州集借補三月中所得之缺失再跋之適命工重  
裝畢十七日三跋

記

五月朔二跋宋本咸淳臨安志

記 標按古泉山館詩集有爲先生詠宋刻咸

淳臨安志得杭字次  
先生韻五律一首

秋得元刊本趙松雪行狀以舊藏元刊本松雪文集中  
行狀手勘正其誤字卽跋於集後

記

九月小晦日跋新得殘元本四書叢說

記

九月晦日以影宋鈔本鮑氏集與袁綬階易宋鈔乾道  
臨安志三卷并跋於鮑氏集後

記

冬跋皇山人姚咨手影宋本續譚助五卷

記 標按明詩綜小傳姚



杏字舜各無錫人有潛坤集常熟瞿氏  
書日記杏字舜各亦號皇象山人無錫人

十月刊汲古閣珍藏祕本書目成原書葉  
首木記

冬季十有二日借張子和藏黑口板天順本丹崖集校

舊藏鈔本跋之續記

六年辛酉三十九歲

是年先生入都晤王伯申記

由舉人挑一等以知縣用籤發直隸先生不欲就納賢

議敘得六部主事旋歸里獨學廬

作蕘岡雅集詩畫冊標按潞順之先生遵郝西圃集卷  
六有題詩序云吾鄉黃蕘岡先生

舉孝廉當得縣令不就葺蕘岡於王洗馬巷是間為嘉

慶辛酉同人醵詠之作會者六人南昌萬廉山承紀休

宿汪滄雲梅鼎嘉定瞿木夫中溶同里袁壽階廷禱李

子仙福及主人黃蕘岡不烈也滄雲畫老樸臥柏廉山

畫紅楓秋菊木夫畫芙蓉雞冠六人皆有詩道光癸未  
圖已易上蕘圃更爲跋語志死生聚散之迹越今六十  
年冊爲吳廉夫重刻所收出以屬題 冊後有石梅孫  
渠題跋云蕘圃先主耽于詩興會所至輒成圖畫百宋  
一塵中累累數十冊此其一也予向見陶詩摘句圖先  
生自紀一生事跡工細白描人物數目畫一幅累月而  
成惜不記作者之名又宋槧本魚元機集余秋室學士  
繪女冠象并其首題詠數十家二冊其最著者又有擔  
書圖余秋室學古錄題黃孝廉擔書圖詩云一室幽閒  
寄市橋市聲雜沓似春湖豈知兀坐虛堂者日對丹鉛  
不厭蠶獨於遺冊恣幽尋別有酸醜遠俗心東觀異時  
添著錄精嚴應好小雲林 注黃長睿號雲林 輜重  
何須薄笨車縹鬢都付小奚挈移居圖好無人畫空寫  
仙翁賦子虛奕奕身籤千頃堂絳雲樓後好儲藏代興  
畱得宗風在善本都從手校將 又按汪澹雲詩鈔卷  
四口讀未見書齋主人邀萬廉山李子仙瞿木夫袁壽  
階及子同集分韻  
得野菊五律一首

得郡中青芝山堂所儲鈔本靖康孤臣泣血錄以明刊

本校之

記 標按先生桂林風土記跋云余此本郡先輩張青芝先生手鈔卷端鈐張位小印卽其姓

名也書法工秀讀書者之藏書斯爲善矣又按吳雲義門先生集跋余友翁叔均搜羅二十年得其門人張位字青芝者所輯詩文一冊則青芝義門弟子也

得宋本梅花喜神譜於琉璃廠

記標按先生是年春入都五月杪歸里見先

生跋語中

錢竹汀先生以殘元本陳眾仲文集七卷又明翻元刻

本全集同贈先生

記

二月中旬從琉璃廠文粹堂得宋本梅花喜神譜二卷

記續按先生跋云辛酉春計偕北行與同邑顧南雅夏方米同伴嘉定瞿木夫于將行日畫梅以贈余裝潢成冊既而海甯陳仲魚來叩舟行至楓橋袁綬階載酒送別并折庭梅花爲探花兆因以聊贈一枝春分韻賦詩至揚州于風雪中南雅畫梅幅其一卽取綬階贈梅之意俱寫于木夫冊上同人相與題詠既得喜神譜重約同行四人題詠余得七言絕句一章云云

三月爲錢竹汀先生刊元史藝文志成

竹汀居士年譜  
標按志爲願

南雅先生  
純寫樣

夏從書坊觀汪氏開萬卷樓書見鈔本劉夢得文集四

集四冊攜歸校於明刻中山集上校畢跋後

記標按  
夏或作秋

五月五日庚辰錢竹汀爲先生跋元本祖庭廣記

記

夏五月自都門歸得何夢華所藏曲阜孔氏藏本元板

孔氏祖庭廣記五冊

記標按  
字夢華錢塘人監生候補主簿

先生跋祖庭廣記曰余自都門歸錢塘何夢華亦自山東曲阜攜眷屬僑寓於吳中何固孔氏壻也其匱贈中有元板孔氏祖庭廣記五冊

裝潢古雅籤題似元人書

五月杪以京板佩文韻府并銀十四兩易得宋本孟浩

然集錢杲之離騷集傳雲莊四六餘話影宋鈔岳板孝

經呂夏卿唐書直筆新例五種

記

六月初七日跋宋本梅花喜神譜

續記

夏六月望前一日跋宋刻甲乙集十卷蓋新以十六金

收得者也

記

秋得明鈔本五行類事占七卷跋之

記

秋趙味辛以宋刻本聖宋文選三十二卷歸先生

續記

七月二十八日跋新得趙清常家鈔本張光弼集

標按

常熟縣志趙用賢子琦美字元度以蔭至刑部郎中東湖叢記云李刊西陽雜俎有趙清常序末題海虞趙

琦美 稽瑞樓書目脈望館和禪集五卷趙琦美撰 趙有脈望館書目

九月重陽後二日跋新校宋舊鈔二十八卷本淮南子

記 標按舊鈔本得於顏家巷張秋塘處云是其先世青父公所藏語見原跋中

九月既望唐陶山仲冕以南宋人鈔本太彥集注六卷

太彥解四卷附太彥歷一卷十冊贈先生自爲跋記瞿氏

書目卷

十五

九月望後一日觀書於東城蔣氏見宋本新序借歸校

乙卯年所得之本并再跋於後記標按先生校本宋本

巷賜書樓蔣氏今分支居西白塔子巷家不甚貧卻愛財不愛書云云所言東城似卽指此惟兩巷皆在西城

不可解耳

季秋月乙未日跋元板祖庭廣記記

孟冬借五柳居東維子文集補明刻本關葉跋明刻本

上續記

十月六日瞿木夫爲先生畫讀未見書齋雅集詩畫冊

并題詩

原冊

十月跋新得宋本錢杲之離騷集傳

記

冬孟九日跋新得宋本孟浩然集

記

先生招集錢竹汀少詹段懋堂大令陳曼生顧南雅於

紅椒山館南雅有分得子字韻詩有句云詩情人畫宜

紅椒顏額始注云前月雅集曼生有紅椒絕凡豔句蕤

圃因名其室曰紅椒山館屬嘉定錢膠田爲之圖

顧南雅思

無邪室詩集

標按山館當在王洗馬巷先生誠愧

郊錄後自署嘉慶己未冬十月既望書於紅椒山館

冬借袁壽階藏道藏本淮南子校之又借道藏本抱樸

子校於丁巳年所得舊鈔本上

記

冬日得殘本王刻孫可之文集再以校丙辰年所校本

三跋之記

冬倩汪澣雲主政作續得書圖

記 標按先生跋鈔本北山小集有云昔余繪

續得書圖名是日蠟廬松竹蓋致道寓居吾郡之城北葺屋曰蠟廬而松柱竹椽饒有古勝之意今余自壬戌冬又遷東城之縣橋題藏書室曰白宋一廬夫亦取其小焉耳又因得孟浩然集畫圖曰襄陽月夜 按吳雲汪澣雲詩鈔序曰同年汪澣雲侍御起家縣令未幾移疾去久之改官禮部爲御史簡司城克稱職而以病歿澣雲自命甚高無所發抒託於畫以寫其曾臆

十一月錢竹汀爲先生跋宋本東家雜記

記 標按此書有先生一

跋僅題棘人二字按當在乙卯至己未五年中

七年壬戌四十歲

是年作再續得書十二圖

標按宋本三謝詩跋云近作再續得書十二圖以此列入

名曰三徑就荒蓋猶不忘篁亭之遺也標按篁亭蔣姓故有是圖



從都中得舊鈔建康實錄再跋舊鈔張光弼詩集

記

先生以舊鈔本乖崖先生文集十二卷附錄一卷贈蜀

人張船山太史

櫛書  
附錄

春正月假表兄貞節堂道藏本韓非子校之九日跋

記

夏五月自都門歸得明刻八卷殘本戴石屏詩集跋之

記 標按先生  
是年又入都

五月先生四十初度挈妻子同遊穹窿有登穹窿詩寄

汪澣雲主政澣雲和詩五言二律存集中曰黃二堯圃

以登穹窿詩見寄蓋四十初度時挈妻子同遊所作今

年五月閒事也

澣雲詩  
鈔卷五

夏六月先生從澗蘋以二十金得元刊呂氏春秋舊鈔

嚴氏詩緝明刻書三史會要

記續韓非子跋

六月七日丙午孫延爲先生題書櫃各簽

記泉之離騷集

傳題字其一也

藤寶翰墨林今語卷九延字蔚堂丁

詩詞篆隸並畫墨

蘭所居南郭草堂中有古井偶剔殘

薛得故宋年號顏

其室曰宋井齋

秋得影宋本韓非子

記

七月重裝殘元本陳眾仲文集戒跋後

記

秋七月借試飲堂殘宋本校家藏本揮塵前錄四卷并

跋

記

中元前三日澗蘋爲先生以三十金得影宋鈔本韓非

子澗蘋跋之既望先生自跋之

記續

七月既望跋校臨支硎山人影宋本博雅

記

八月六日甲辰再跋影宋鈔本韓非子以新從張古餘

借宋刻校畢也

續記

仲秋二十七日陳簡莊以吳兔牀藏舊刻六卷本圖繪

寶鑑索先生題識九月二日爲跋記

記

九月命侍史影舊鈔本崑山郡志六卷手校畢并跋

續記

九月五日再跋宋刻三謝詩

記

九月二十日澗蘋重觀影宋鈔韓非子于讀未見書齋

記之

續記

小春再跋丙辰年所得舊鈔景定建康志

記

十月錢竹汀先生觀宋拓溫虞恭公碑於讀未見書齋

有題字

原跋

冬十月望日借周香巖舊鈔五卷本呂衡州文集以舊

藏明鈔本校之并跋

記

孟冬月二十日夜坐太白樓下重跋丁巳春所收存悔

齋詩

原跋

立冬後二日跋校本靖康孤臣泣血錄

記

十一月五日跋新得元本金石例

記

十一月二十八日冬至跋張子和所贈鈔宋本永嘉四

靈詩四卷

記

標按同治蘇州府志張燮字子和乾隆癸丑進士歷官甯紹臺兵備道雙少以詞章

名世嘗注晉書未就子和子芙川名蓉鏡亦喜藏書瞿氏書日收擊壤集有芙川血書南無阿彌陀佛六字

題其後云乙巳十一日得之愛不能釋以血書佛字於空葉惟願流傳永久無水火蠹食之災

歲杪再徙居縣橋巷

記

標按瞿中溶古泉山館詩集有嘉平廿有三日黃堯圃移居縣

橋巷出新詩與圖見示因題四首祀竈息息備歲除有  
人于此賦移居披圖莫認邨夫子曾讀人閒未見書舊  
治東偏古寺西標按宋時長洲縣治在天宮寺西左  
有橋名縣東橋堯圃謂懸橋卽縣之誤余以宋平江圖  
碑證之良然平江一權接對谿滿船載去書千卷入  
室先教插架齊一徙楓橋原注謂袁壽階一縣橋  
良朋從此路迢遙丁甯倘有奇書獲共賞還來折簡招  
滯我吳閩廿載多身如幕燕不成窠練祁祇有歸耕願  
無計移家喚奈何又按思適齋集有詞一首調寄大江  
東去用東城韻賦黃堯圃移居圖痛乎風俗爲求田問  
舍消磨人物甕聚醴雞禪處強抵死苦尋籬壁向後悲  
前猶今視昔耽更憑誰雪撓之難濁此君殊復豪傑  
吟客畫就移居歌詩盈卷引深情遙發特與圖經爭第  
宅肯似浮雲吹滅露宿車遙權牽船上剩我星星髮欣  
然規往未知判恁年月懸橋巷  
舊居今爲潘氏松鱗義莊蟻術齋

六月命工重裝宋本咸淳臨安志至十一月中竣事季

冬三跋之

記

八年癸亥四十一歲

是年顧淵蘋爲先生校明鈔鹽鐵論

記

正月序汲古閣影鈔宋本博物志

原序

正月小晦日跋影嚴氏芳椒堂舊藏吳文定寫本墨子

記

二月八日命闈人張泰手鈔得月樓書目傳是樓宋板

書目二種畢卽跋傳是樓書目後

記

標按跋云張泰曾在京師傭書故字

迹頗不

惡云

閏月

沈刊魚集跋

以番錢五圓得宋刊魚元機詩集以宋刻

唐人絕句才調集攷其互異以別紙條載之三月望春

盡日畢跋後

記

標按古泉山館集有集讀未見書齋分韻題宋刻唐女郎魚元機詩得屬字七

古一首

又按先生得此書後曾屬余秋

室繪元機詩思圖余曾見改七薌臨本

閏二月以番錢十圓得宋本朱慶餘詩集於五柳居跋  
記記

閏二月望後一日跋新以三十金從陶蘊輝得宋本參

寥子詩集

記標按先生跋此善有云遷居縣橋以來

茸小廬屬南雅庶常題曰百宋一廬蓋於其中檢點古刻成一簿錄

謂之百宋一廬書目

三月朔跋賜書樓藏舊鈔本梁公九諫

原跋後有云題紀事

詩久絕響矣卽欲爲三益聯吟之續而良友勿聚異書不來意興殊索然也開窗檢點舊藏出此梁公九諫一卷仍用舊例獨吟新詩亦聊爲破寂之助云爾得梁字禁押本字九諫詞猶在文章震李唐安危資柱石舉廢得津梁氣挾雷霆厲心爭日月光名臣傳表奏原注讀書敏求記以此入總集述古堂詩譜書目則入

表奏應比賜書藏

三月望後二日跋辛酉年所得宋刻本聖宋文選

記續

夏用太原書室刊本鹽鐵論校影鈔活字本并跋端陽

日再跋

記

夏至日以白金三星從畱耕堂書坊得明刻五卷本衍

極跋之

記

端陽日重裝六年前五柳居主人所遺殘宋本宏秀集

十卷成跋之

續記

五月望日重裝宋本甲乙集於新居縣橋巷之百宋一

廬中并取四卷殘宋本展對一過再跋宋十卷本後

記

宋述之闕有益齋讀書志卷三吳門黃堯圃不列多藏宋版書顏所居日百宋一廬槎客以千元十架揭榜與

之敵

仲夏下澣三日邀同人十二各題新得宋本魚元機集



元機詩思  
圖自跋

五月廿四日先生三子壽鳳生

元機詩思圖跋  
標按壽鳳字桐叔

六月一日輯宋刻書目檢及乙卯年所得宋本北山小

集三跋之

記

秋於顧千里處得宋刻茅亭客話十卷又同得宋本唐  
求詩集一卷七月白露後一日跋唐求詩集越日又跋

記

秋得鈔本中興閒氣集校馮校本上跋之

續記

七月以校宋本山海經假於虞山邵闡仙

恩多

邵傳錄

一本

邵氏傳錄  
本原跋

白露後二日匪石訪先生以宋本唐求詩集審定鹿頂

山三字圖記

記

九月八日偕陳仲魚至山塘萃古齋書坊以四十五番

得宋本史記宋咸平本吳志建文時刻本元音卽跋吳

志後是日與仲魚同訪周香巖於水月亭

記 標按跋中云白隄錢

聽默開萃古齋書坊於山塘聽默已死此書得自其子也

秋影摹宋本姚氏戰國策刻成八月八日序之冬札記

成付刊屬顧千里爲後序乃十一月也又錢竹汀先生

爲之序

刻姚本原序

標按前塵夢影錄卷下許翰屏以書法擅名當時刻書之家均延其寫樣如士

禮居黃氏亭帚樓秦氏平津館孫氏蕪芸書舍汪氏以及張古餘吳山尊諸君所刻影宋本祕籍皆爲翰屏手

書

十一月朔訪海鹽友人張芑堂歸三跋唐求詩集後

記

標按湖海詩傳小傳張燕昌字芑堂海鹽人嘉慶元年  
舉孝廉方正又按芑堂著有金石契金粟箋說又白  
號金粟逸人又按先生跋語中芑堂愛古年  
已七十所見古書甚多與長塘鮑澱飲相友善

季冬六日以三十金從顧澗蘋得元本東坡樂府季冬  
月七日以八金從毛榕坪處得長善濱程氏藏舊鈔本

乙巳占跋

記

除夕祭書以書招顧南雅陶臯香以新得吳志屬南雅

題簽并書跋語而宋樓所藏吳志原跋標按南雅名

館書畫記俱吳人又按古泉山館詩集有題先生祭書

第二圖詩曰祭詩圖作後先論妙繪同逢道子孫原

注前圖吳竹虛作此圖吳枚庵作歎我風塵淪落久

奇書空向篋中存原注君舊藏宋刻太平御覽三百

六十五卷為海內絕無奇書予在湘南亦得十九卷係

海鹽陳明府玉垣所贈適為君書所缺之卷浪仙嘉

話古來無周墨黃書接可趨原注周櫟園有祭墨圖  
我有癡情同是癖也思補畫祭錢圖原注予嗜古

泉嘉慶丙寅十二月曾做買浪仙故事祭錢因未得名  
手其圖尚缺煙雲聚散本無常祇合流傳在四方但  
得主人真好古校警刊布似黃郎原注時蕙夫藏書  
已多轉歸他姓故云又獨學廬四稿有題黃蕙圖祭  
書圖七  
律一首

擬刊連江葉氏本博物志先生命兒子玉堂依影宋鈔  
者錄一帙與粵東賈人往古藥洲開彫原跋

九年甲子四十二歲

春初先生長子亡

記標按先生長子名玉堂以二月七日死見所刊博物志後跋又按

玉堂字嶼柏爲賦孫先生美鏐父見覆宋拓溫虞恭公碑跋

正月丁巳日跋新得宋槧本鑑誠錄二十五日澗蘋爲

先生跋之

記續按先生跋略云去番錢三十三圓書計五十七葉并題跋一葉以葉論錢當合每

葉四錢六分零

見揚州秦太史藏影宋鈔本春秋繁露手自校讎二月

朔辛酉日跋

記標按先正事略秦恩復字敦夫一字澹生江都人乾隆丁未進士官編修讀書

好古所居玉筍仙館蓄書萬卷丹鉛不去手

二月得明鈔本茅亭客話以宋本校并跋仲秋重裝之記

二月以吳枚庵家書籍求售以三金得陸敕先校宋本

易林卽過臨毛刻本上并跋

記標按戴延年搏沙錄吳枚庵名翊鳳吳縣人酷嗜異書無力購致往往從人借得露鈔雪纂目爲之書

江藩半氈齋題跋枚庵長洲庠生手鈔祕籍數百種

日夕不輟因而損一目枚庵名昱鳳一字小匏又按

先生跋謂枚庵久客楚中書籍寄貯友人所友固豪於

酒者也往往取爲沽酒費故生前已多散佚予屢收之

又鈔校本文房四譜跋云郡中有吳枚庵先生者余向

年就試玉峯曾有半面未及把臂也及余知購書而坊

別有善本送閱者往往出枚庵手鈔及家藏者方知枚

庵好聚書其書之散佚者大半出其親友家蓋枚庵游楚中書多寄諸他人所久而不歸家屬亦尋蹤訪之故親友無忌憚而爲此也又曰越三十餘年始歸余與訂交

仲春望日瞿木夫移家歸膠城老屋先生送行并以宏

治刻本練川圖記以贈

古泉山館集

標按瞿移家得

久煙銷

原注秦輔之練川志失傳已久

圖記空教

小史播

原注邑中故家所藏練川圖記俱係鈔本

誰識南濠頭而日瓶花齋裏墨香饒原注移居日友人黃堯圃來送行并以宏治刻本練川圖記見贈係浙

西瓶花齋吳君見藏本卷端有具手蹟

二月清明前五日以一番錢得明刊本雅頌正音又以

一番錢重裝之畢跋後

記

三月得王刻孫可之文集全帙四跋於丙辰年校本後

記

三月刊校博物志成跋後

原跋

三月以去歲所得吳志示陳仲魚并屬跋語

師宋樓藏吳志原跋

標按定香亭筆談海甯陳仲魚於經史百家靡不綜覽常輯鄭司農論語注舉孝廉方正纂書雜記仲魚嘉慶元年舉孝廉方正三年本省中式舉人東湖叢記吾鄉陳仲魚徵君向山閣藏書大半歸馬二槎上舍藏書即記有云得此書劇辛苦後之人其鑿我又刻仲魚圖象鈐於上

三月十日跋新從吳枚庵家得渠手校宋舊鈔本東京

夢華錄

記

五月從師德堂收得校舊鈔本尹河南集九卷附錄一

卷跋後

記

六月六日以白金二兩四錢新於揚州書估得舊鈔宋

三卷本唐語林跋之

原跋

六月八日用舊紙命門僕張泰影寫宋刻孫尙書大全

文集殘本三十三卷畢跋後

記

六月九日周香嚴借先生影宋鈔本唐語林校明齊之

鸞刻本并錄先生跋于上

原跋按先生別一跋不載年月似是跋明刻本者

六月廿日跋新得周配農手鈔五卷本行極

記

七月二日跋何義門手校舊鈔本塵史中元前一日見

周香嚴所藏毛校本復校於上下方再跋

記

九月下旬先生伯兄亡

見校本茅亭客話跋

冬以二百四十金得周香嚴所藏殘宋本太平御覽三

百六十卷

記

小春月萬壽日命門僕影鈔姚少監文集五卷畢裝成



跋之記

十月十三日再跋鈔宋本茅亭客話記

十月十四日跋北宋本駱賓王文集十卷檢書 閱錄

十一月十六日見張青芝臨何義門校本文心雕龍手

校己未年所得嘉靖本即再跋嘉靖本後記

十一月跋新從陶蘊輝得宋板洪氏集驗方原跋 標 按跋語中

有云六月中有揚州書友告余有宋板太平集業四冊欲售於余未至已售於他姓後遂得此本云云

十年乙丑四十三歲

甲子冬顧澗蘋百宋一廬賦成春白廬州晉江張太守

所寄示先生先生注之至秋成適澗蘋歸里仍相與商

榷焉百宋一廬賦注 標按張太守即古餘先生敦仁願澗蘋與古樓記陽城張觀察古餘以與古名其

樓樓在先生舊居秣陵  
之中正街宅東北隅云

正月以元大德本後漢書一百二十卷贈仲魚并跋

記

春二十日跋十九日所得葉石君舊藏徐子器刻十卷

本蔡中郎文集并借周香巖所藏舊鈔本又借何夢華

藏華氏活字本合校之再三跋後

記

標按吳門補乘  
葉樹廉字石君洞庭

東山人僑居常熟博學

嗜古藏書至數千卷

正月二十七日先生訪寒石長老

際風

於支硎吾與庵

爲其長子延僧禮懺庵中用洪更生居士韻賦詩以贈

卽題丹徒顧弼庵

鶴慶

所畫吾與庵圖詩中注云大兒

之亡已周歲矣余禮懺於此

吾與  
彙編

春二月三日以家刻國策易明本文則二卷跋之

按跋

云估值一

兩六錢

春三月二十有六日得元本宋朝南渡十將傳又得舊

刻楊鐵崖古樂府跋十將傳後

記

夏跋新得影宋本李賀歌詩編四卷集外詩一卷

記

四月手錄季滄葦藏書目上板刻成

書後木記 又原序云係借嘉定瞿

木夫海鹽黃檝升兩家本互勘付梓并序於後

四月十有九日爲吳槎客跋笠澤叢書

拜經樓藏書題跋記卷五

六月朔跋新校舊鈔本對牀夜話

記

夏六月十三日得明鈔本錄異記手校之中秋跋并題

五言律詩一首七絕二首

記

閏六月三日得四明范氏所鈔遂昌山人雜錄用舊藏

鈔本校之并跋

記

秋又六月十六日再跋壬戌年校宋本揮塵錄續以繁雪堂藏宋本補校又跋之

記

八月五日得洪武本葬書釋注一卷并跋

記

八月二十六日從周香巖借殘宋本學齋帖畢跋校舊

鈔本上跋記

記

九月手鈔百宋一塵賦刊成

原刊書後木記

季秋十日續校季滄葦書目附後并記

原校語後

十月跋校本劇談錄

續記

冬十月得陸敕先手校本陸游南唐書跋之是日鋟下以顧氏傳錄本參校一過再跋又跋於顧本後

記

十月得崇禎烏程閔齊伋刻劉蛻拾遺集孫樵職方集

五跋於丙辰年校本孫可之文集後

記

小春望日跋新得舊鈔本稽神錄六卷補遺二卷

記

十一月二十五日跋新得舊鈔本毘陵集

記

十一月澗蘋覆閣影宋鈔本韓非子畢記十二月十七

日又記

記續

十二月澗蘋爲張古餘覆勘印本韓非子一過并記于

先生影宋鈔本上

記續

十二月初五日何夢華以宋刻棠湖宮詞見示因跋於

舊藏毛鈔本棠湖詩彙後

記

冬先生致書顧澗蘋擬重刊易林

顧千里思適齋集卷九刻易林序標按

淵蘋先生是年秋應孫  
淵如先生山東之招

見九行二十二字本穆天子傳手校之又借陳仲魚所  
得明欽范欽吉陳德文校刊本又借周香巖藏舊鈔本

合校之大除夕畢并跋

記

十一年丙寅四十四歲

先生是年更號復翁

標按嘉慶丁卯正月七日鐙下願  
淵蘋跋十卷本蔡中郎集日時惟

楚翁更號復  
翁之明年也

先生是年有菊社倡和詩事

蔣寅題夢詩  
國詩注墨迹

刊梁公九諫成

卷首  
本記

春得惠氏藏蘇天爵名臣事略

原跋

春得鮑淥飲所藏元刻契丹國志十七卷舊鈔本稽康

集十卷活字本范石湖集殘本元朝祕史共計番餅四

十枚

記 標按跋語云祿飲年老患  
病思去書以爲買參之資也

穀日三跋影宋鈔本輿地廣記

記

正月十一日跋新得鈔本讒書五卷

記

立春後十日跋影宋鈔本輿地廣記

記

二月廿有四日跋新得葉石君藏明宏治本稽古錄

記

穀雨後二日跋宋本會稽三賦

記 標按是日亦爲吳  
槎客先生跋宋本會稽

三賦乃別一本也見拜  
經樓藏書題跋記卷五

又爲吳槎客跋宋刻京本周禮

記

寒食日跋新得舊鈔本稽康集四月望後一日爲周香

嚴借校歸後又跋

記

夏以三十金從何夢華得宋本史載之方

記

夏得明刻本潛夫論卽以舊藏明缺葉鈔補本歸他人

因跋於新得本之後

記

孟夏跋新從陶蘊輝得知不足齋舊藏續幽怪錄四卷

是時同得宋本李注文選

記

孟夏跋校宋鈔本賓退錄

記

芒種後九日跋殘宋本太平御覽

記

五月朔見范刻穆天子傳有朱墨句讀過臨於乙丑年

校本上五月三日跋

記

秋七月五日命門僕用舊紙影鈔明活字本蔡中郎集

成跋之

記



立冬後一日重裝新以百二十金得宋本管子成跋又

重裝北宋本史載之方成跋

記

十一月望後三日跋手校鈔本國朝名臣事略

原跋

十二月顧澗蘋爲先生跋十卷本蔡中郎集

記

十二年丁卯四十五歲

是年以影鈔宋嚴州本儀禮經注寄張古餘太守

刻儀禮原

序

又得穴硯齋鈔本陸游南唐書

記

又借袁氏五硯樓明刻道藏本宗元先生文集卽校於

鈔本上并跋

記

又於是年校鈔本陸天錫詩集跋之

記

春假袁氏五硯樓正統道藏本墨子手校於丙辰得藍

印本上

記

正月七日顧澗蘋再跋十卷本蔡中郎集九日三跋

記

正月望前見顧澗蘋還舊校十卷本蔡中郎集中有澗  
蘋校語遂錄於影寫明活字本跋之

記

陬月哉生魄大病初愈手校樂志園集八卷畢跋之

記

正月十九日跋元本契丹國志

記

正月二十九日再跋宋本史載之方

記

春二月先生贈陳仲魚鈔本國朝名臣事略十五卷

陳原

跋

二月晦日再跋乙卯年所得元鈔本書經補遺

記續

三月二十五日跋新得外洋板本寒山拾得詩一卷

記

夏借陳簡莊所藏吳枚庵手鈔本三楚新錄傳錄之并

校其誤脫跋記

函宋樓所藏原書原跋

夏見明宏治本中州集三跋于舊藏金本後

記

夏孟跋宋刻本文苑英華纂要

記

孟夏四日跋明鈔本蜀鑿并影鈔足丙寅年所得殘元

本

記

夏至日跋宋刻本崇文古訣

記

五月得錢遵王鈔本陸游南唐書并校乙丑年得陸校

本因再跋於陸校後

記

五月得明嘉靖本長安志八卷重裝跋

記

端陽後五日於王府基書坊見翻宋刻唐清塞詩集唐  
貫休詩集皆題荷澤李龔和父編與癸亥年得殘宋本

宏秀集行款同再跋宏秀集後

續記

夏五月二十六日跋舊鈔本蜀檣机時借陳仲魚藏本

校勘一過畢又取舊藏馮已蒼本校一過再校

按記讀書標

敏求記屏守居士爲吾友馮舒已蒼別號癸巳老人藏書率多異本吾邑之宿素也先生校敏求記抹去老字注云已巳冬見馮鈔汗簡上有癸巳人三字印章知老字乃衍文宜原本無之也又按吳翊鳳跋馮鈔本近事會元云屏守老人姓馮名舒字已蒼又號癸巳老人虞山人吳跋見士禮居題跋記續

六月跋明刻友石先生詩集

續記

以青蚨二金餘得明本周職方詩文集二卷秋七月二

十五日跋之

續記

七月二十五日跋校宋本說苑

記

七月從碧鳳坊顧氏借得刻本蛻庵集以舊鈔本校之

又跋八月一日訪周漪塘又見舊鈔本再跋之三跋

記

六月十二日陶五柳以宋廿二行本說苑示先生秋八

月以卅金得之重裝白露後二日跋九月三日再跋

記

白露後一日跋殘明本黃山谷大全詩注

續記

九月三日跋校舊鈔三卷本墨子

記

霜降前二日跋新得舊鈔本朝野新聲太平樂府

續記

九月六日三跋校藍印墨子後因新得嘉靖陸穩刻本

對勘也

記

九月以胡文煥覆元本洗冤錄校原刻元本于上跋

記

季秋從張訥庵處得元刻本國朝名臣事略十五卷

記

秋暮以明刻韓山人詩正續集校舊藏明鈔本一過跋

刻本後

記

立冬日以續得影鈔宋本管子止十二卷取舊藏宋刻

本影寫十三至二十四卷補足校畢共三跋之

續記

十月初旬借周香巖藏鈔本朝野新聲太平樂府覆校

元刻并再跋新得舊鈔本後十有九日三跋之

續記

冬十月得同郡蔣辛齋舊藏明刻十卷本戴石屏集

記

十月十一日陳仲魚攜吳槎客校宋本說苑示先生

記

小春望日跋吳槎客藏宋咸淳重刊本說苑

記

十一月五日三跋明活字本蔡中郎集

記

十一月五日先生候顧澗蘋時顧方從江甯歸也記

十二月十一日跋元本伯生詩續編記

季冬望後一日從顧澗蘋手得殘宋本中興羣公吟橐

戊集跋之

原跋 標按跋後有云辛楣少詹事贈小蓮  
丁卯冬日思適居士估值每冊三金并記是

此書從戈小蓮處轉得之也戈亦吾  
郡藏書家名半樹齋見思適齋集中

季冬望後一日跋新得小讀書堆藏金俊明先生手錄

月泉吟社谷音河汾諸老詩中州集并中州樂府序目

及小傳

續記

除夕前四日重裝元本宋五服圖解成跋記原跋

十三年戊辰四十六歲

是年孫淵如先生假歸招先生燕集一榭園

孫淵如租  
船詠史集

題刪詩自注  
標按孫如先生自注  
詩云于買虎阜一榭園建吳將孫子祠

以明洪武刊本清江貝先生文集三十卷歸貝簡香得

二十四金

宋樓藏書志其先生集簡香跋  
標按簡香名庸吳縣人所居有千墨庵錢塘吳穀人

爲之作記願淵菴思適齋集亦有題貝簡香千墨庵圖  
詩廿韻藏書籍金石書畫甚富爲袁壽階瑁紅蕙山房  
吟藁有題貝瑁簡香味書圖小影二律首日嗜好出天  
性詩書豈厭多一編可陶養千卷恣摩餘興搜金石  
閒情託詠歌酸鹹與世別莫逐笑殊科又袁綬階亦有  
味書圖小象思適齋集有詩曰自經死矣山樞痛掃地  
曾無長物餘不及生前圖象好手中長保一編書  
塵夢影錄卷上貝簡翁刻千墨庵帖寶嚴集帖皆元明  
真迹句撫上石刻手爲喬鐵厂方  
雲常皆用挺刀法以善刻齊名

元旦以黃梅花詩錄于元本梅花百詠卷端并跋  
記

正月下弦日跋夏容庵所藏宋刊本崇古文訣  
記  
標按容庵

爲方  
米父



正月下旬顧澗蘋爲先生敘新刊易林

原敘

三月得元刻本文心雕龍再校于嘉靖本上并三跋之

記

夏觀書濂溪坊蔣氏又見咸淳重刊本說苑別一本也

因跋丁巳年所校說苑後

記

標按先生捫蝨新話跋

與述古所藏合又曰此宋鈔本蔣韻濤故後爲余友蔣懷堂所收藏書家識古之友漸少矣又說苑跋云時方購進御書索值甚昂未易得也按指蔣本而言又宋本棠陰比事是年跋云近因各省大僚購求備貢之書書主人獲善價稍稍散出

夏見活字本蔡中郎集以價貴至數十金不能得

標按跋云

因時方盛行舊板書

夏鄭雲校以附音重言古注禮記曲禮至月令殘宋巾

箱本易先生所刻國語國策

記

夏從經義齋得舊刻本李賀歌詩編再跋於乙丑年所得影鈔宋本後

記

四月十有八日再跋校宋本禮記

記

閏五月十日敘新刊成陸敕先校宋本焦氏易林

原廿

四日又爲後敘

原

秋借濂溪坊蔣氏宋本周賀詩手校一卷本上并跋

記

秋七月以白金百二十兩得鎮江蔣春農藏宋余仲仁本公羊解詁十二卷跋記

記

七月七夕後二日跋新從試飲堂顧氏得宋本棠陰比

事記

七月十八日以殘元本樵雲獨唱集用舊鈔本校之畢

卽跋於鈔本後

記

九月廿七日跋所得四卷殘宋本編年通載

記

九月得張青芝手鈔殘本五代會要以舊鈔本補之并

跋

記

九月望借濂溪坊蔣氏金刻中州集鈔補舊藏缺失四

跋之

記

冬得宣和遺事二冊係述古舊藏物

原跋

十月二十二日跋新得元刻殘本樂府新編陽春白雪

記

冬至前一日跋新得殘宋本五百家注音辨唐柳先生

文集十一卷又錄一律詩於後蓋柳集係五柳主人所

贈故作此以送行也

記

十一月望後二日跋新得鈔本道餘錄

記

十一月十九日四跋影寫活字本蔡中郎集

記

冬季小寒後六日再跋己未年所得宋本聖宋文選

記

季冬九日跋新以十六金得殘宋本普濟方又題詩四

絕於後

記

標按跋中略云仲冬以來爲亡兒營葬爲長女遣嫁兼之度歲辦糧所入不償所出